

**Landesbibliothek Oldenburg**

**Digitalisierung von Drucken**

**Bibliotheca Smithiana, Seu Catalogus Librorum D. Josephi  
Smithii Angli Per Cognomina Authorum Dispositus**

**Pasquali, Giovanni Battista**

**Venetiis, 1755**

Hesiodi [i] Theogonia.

**urn:nbn:de:gbv:45:1-844**

rum arborum fructus dolui sane ac debui. Quin impressoribus opus meum committendum censeo, ut poma, quæ ille ex agris meis furrupisset omnibus paterent, pariterque ea, quæ sterilis ejus campus, atque arbor produxisset apparerent. Conatur enim suis ineptis opinionibus fructus meos inficere & pro suis recitare. Quare opus fuit, ut altius multa repetere, ejusque scripta confutarem, & errasse in plerisque ostenderem, ad judiciumque tuum referrem, quo nullum unquam eidem de rebus dignius existimavi. Vale & quod recte scriptum erit tutari non desinas.

H E S I O D I [ 1 ] T H E O G O N I A .

Ferrariæ per Andream Gallum MCCCCLXXIV.

*Bonnini Mombratii [2] Mediolanensis Præfatio ad Illustriss. & Excellentiss. D. D. Borsium Ducem Mutinæ, & Regii, Marchionem Estensem Comitumque Rodigii in Hesiodi Ascrei Theogoniam.*

Quis dabit ut nostros digneris habere libellos.  
 Ignotumque tibi pauca referre velis  
 Quis dabit Estenses humilis petat advena thronos  
 Divinumque mihi fas sit adire Ducem.

**M**Ultus ad ingressum timidos tremor occupat artus;  
 Nostraque non unus concipit ora color:  
 Talia cum tacitus mecum meditarer: ab alto  
 Auribus hæc dixit magnus Apollo meis:  
 Quid metuis? metuant multoque crimine vitam  
 Inficiunt: studiis nec valere bonis.  
 Omnibus iste patet princeps: aditumque volenti.  
 Præstat: ad hunc multos attica pallas agit.  
 Aspice quid crebris est semita vita poetis.  
 Et quibus est curæ prosa soluta magis.  
 Hoc Duce cecropias Academia liquit athenas:  
 Inque ejus docto migrat ab orbe lares:  
 Ingeniis animi furgunt. Spe Borsius omnes  
 Implet: & haud frustra fert vigilasse viros.  
 Fax quasi succendit: qui defecere labore  
 Nunc stipe, nunc fessos denique rebus alit.  
 Adde quod hunc pietas facit, atque modestia clarum  
 Prudentem cuncti magnanimumque vocant.  
 Vidimus hunc unum Ducis unumque secundis.  
 A magno qui mos Socrate cepit iter.  
 Quid si justitiam memorem: qua regna gubernat:  
 Nec Numa collatus, nec Cato iustus erit.

[ 1 ] Hæc Ferrariensis editio latuit præstantissimum virum Saxium, qui tantum Mediolanensem sine anno profert. Incomperta tamen non fuit Michaeli Maittaire, qui in *Annal. Typogr. T. 1. secundæ edit. P. 1. pag. 333.* illam collocat ad ann. MCCCCLXXIV.

[ 2 ] Hexametris versibus ex græco Hesiodi Theogoniam in latinum transtulit Mombrattius, & fortasse quidem, dum Ferrariæ literis operam daret teste Ferrante Borsetto in *Histor. Ferrar. Gymnas. P. 11. pag. 298.*



Quo plus miraris: plus est mirabilis ille.  
 Non numerus meritis, non modus ejus inest.  
 Splendor in hoc & honos Italorum pereminet omnis  
 Præsentem superat quique fuere præit.  
 Quam bene vos superi populis præstare dedistis:  
 Qui populis certe præfore dignus erat:  
 O nimium felix, felix Ferraria tanto  
 Principe; fortunam fac tueare tuam.  
 Ille sibi pacem largitur, & amovet arma.  
 Pax quoque per vicos, paxque per arva volat.  
 Ah quam sublimi dignus sedet ille cathedra.  
 Quamque capud dignum digna tiara capit.  
 Lux oculis: vigor est facie: de pectore virtus.  
 Exit & a vero denique Sole dies.  
 Aspice quanta manet cœlestibus indita verbis  
 Gratia. quas charites dixeris esse pares?  
 Illius effigiem te vidimus ante timere:  
 Humanam quæ sit vincere visa fidem.  
 Non adeo metui debet, quam debet amari.  
 Serve time: verum qui sit amicus amet.  
 Ergo age deposito coram confide timore,  
 Et tua sidereo scripta reponere duci.  
 Parvaque conversi nec quod sit imago libelli  
 Desine, magna brevis sæpe capeffit onix.  
 Dixit ut hæc avidas vox ipsa reliquerat aures:  
 Atque omnem a nobis abstulit ille metum.  
 Sed jam propositum dux invictissime munus  
 Accipe: & ascræi perlege scripta senis.  
 Divorum genus Hesiodus sobolesque gigantum  
 Cantavit docto carmina digna viro.  
 Visaque sit quamvis tibi fabula: fabula lector  
 Te vocat: & multis allicit illa bonis.  
 Invenies quæ te nescisse fatebere multa:  
 Et quæ romanus non liber ullus habet.  
 Sed quid ago? nostras Bocchacius intonat aures:  
 Dicere meque suo codice vera negat.  
 Seque deum genus & scripsisse volumina magna  
 Asserit, ah decuit dicere vera magis.  
 Ingenium Certalde tuum non damno, sed ipsa  
 Tempora: defectis quæ caruere libris.  
 Hesiodum sed tam juvet auscultare poetam.  
 Græcus erat, nostro nunc valet ore legi.

Ad decus, g'oriamque Illustris. quondam Ducis Borfii, Excellentissimæ-  
 que Domus Estensis: Ad Bonnini Mombrittii, Hesiodique doctissimorum vi-  
 rorum famam perpetuamque memoriam: Peregrini Prisciani Nobilis Ferra-  
 riensis opera: Per Andream Gallum Ferrariæ hoc opus impressum est An-  
 no Legis Gratiæ MCCCCLXXIV.

